

## Caibidil 8 – Forbairt Feasachta agus Poiblíocht

### 8. Forbairt Feasachta agus Poiblíocht

Ó thús thréimhse ullmhúcháin an phlean tuigeadh go raibh rannpháirtíocht an phobail fíorthábhachtach agus go raibh sé ríthábhachtach an pobal ar fad a spreagadh sa phróiseas pleanála teanga agus chun airdeall fheasacht teanga a ardú. Dá réir déanadh iarracht ollmhór é sin a bhaint amach trí theagmháil phearsanta le réimse leathan daoine idir dhaltaí bunscoile, daltaí meánscoile, tuismitheoirí agus baill na ngrúpaí pobail le meascán de ghlaonna gutháin, ceistneoirí, ceardlanna agus cruinnithe agus le feachtas poiblíochta láidir.

#### 8.1 Forbairt Feasachta

Tá na bearta bunaithe ar thuairimí agus moltaí ó phobal Ghaeltacht Mhúscraí i leith na Gaeilge agus dá réir tá nasc láidir idir na bearta, an pobal agus feasacht teanga. Tacóidh an plean teanga chun cleachtais teanga agus feasacht teanga an phobail a fhorbairt agus beidh sé á threisiú ar bhonn níos leithne agus níos doimhne de réir mar a bheidh na bearta á gcur i bhfeidhm.

Le linn an phróisis chomhairliúcháin dúirt muintir na háite arís agus arís eile **go bhfuil an dualgas orainn go léir cinneadh comhfhiosach a dhéanamh faoin nGaeilge agus an cleachtas teanga**. Tá glactha leis an ráiteas seo mar cheann de na príomh-spriocanna atá leagtha amach sa phlean teanga againn.

Tá cur síos níos cuimsithí i dtaca le forbairt feasachta go háitiúil le fáil i *gCaibidil 4 – Ullmhú an Phlean*.

#### 8.2 Poiblíocht

Le linn an phróisis chomhairliúcháin déanadh go leor poiblíochta trí mheascán modhanna éagsúla;

- Iriseán saor in aisce an Lee Valley Outlook
- Raidió na Gaeltachta.
- Suíomh idirlín sealadach an Chomharchumainn, mar aon le cuntas Facebook agus Twitter an Chomharchumainn.
- Nuachtlitreacha na nAifreann áitiúil agus nuachtlitir leictreonach Béal Átha Abú.
- Leathanach Gaeilge seachtainiúil ‘Scéalta Ó Mhúscraí’ i nuachtán an Evening Echo.
- Bileoga eolais.
- Póstaeir.

Tá cur síos níos cuimsithí maidir leis an bpoiblíocht a déanadh mar chuid den phróiseas pleanála teanga le fáil i *gCaibidil 4 – Ullmhú an Phlean*.

Déanadh cinneadh poiblíocht dhátheangach a úsáid mar go bhfuil go leor daoine i Limistéar Pleanála Teanga Mhúscraí nach bhfuil mórán Gaeilge acu agus daoine gan aon Ghaeilge, agus aontaíodh go raibh sé thar a bheith tábhachtach go mbeidís siúd páirteach agus lárnach sa phlean teanga seo.

## **Plean Teanga Mhúscraí**

### **Caibidil 8 – Forbairt Feasachta agus Poiblíocht**

Leanfaidh an fhoireann pleanála teanga ag baint úsáide as na modhanna forbairt feasachta agus poiblíochta thuas le linn saolré an phlean, ach chomh maith leis sin tá 5 bheart ar leith a chabhróidh chun na spriocanna atá ann i dtaobh poiblíochta i measc na n-aoisghrúpaí ar fad:

#### **Beart 1.5 - Suíomh idirlín lárnach**

- Beidh suíomh idirlín cuimsitheach á bhunú a fhreastalóidh ar an gceantar ar fad agus ar an bPlean Teanga. Beidh eolas á chur ar fáil ann maidir le ranganna reatha, imeachtaí reatha, frásaí úsáideacha, foinsí maoinithe, eolaire gnó, nuacht áitiúil, cruinnithe, nuacht ó na scoileanna s.rl.
- Beidh sé mar áis bheoga ag muintir Ghaeltacht Mhúscraí chun an pobal a choimeád ar an eolas, chun na sráidbhailte a nascadh agus an Ghaeilge a chur chun cinn i measc an phobail.
- Spreagfaidh sé seo rannpháirtíocht ón bpobal.
- Beidh a leithéidí Twitter, Facebook agus Instagam ceangailte leis an suíomh.
- Beidh nasc láidir idir mhuintir na háite agus an plean teanga.
- Beidh muintir na háite suas chun dáta maidir le scéal bhuntáistí na Gaeilge, le polasaithe nua, polasaí oideachais na gaeltachta s.rl.

#### **Beart 1.6 - Nuachtlitir eolais chlóite**

- An pobal a choimeád ar an eolas maidir le dul chun cinn an phlean teanga agus chun nasc a chruthú idir an pobal agus Fóram Pleanála Teanga Mhúscraí.
- Nuachtlitir gach 3 mhí lán le heolas - cad atá le déanamh, cad atá déanta s.rl.
- Beidh nasc láidir ann idir mhuintir na háite agus an plean teanga.
- Beidh blúire beag i ngach eagrán maidir leis an nGaeilge agus an dátheangachas, m.sh. an tumoideachas agus na buntáistí a bhaineann leis.
- Beidh eolas ann maidir le foinsí maoinithe do choistí, eagraíochtaí agus cumann áitiúla.

#### **Beart 1.9 - Lee Valley Outlook – An Mhúscraíoch**

- Tá iris áitiúil ann ‘Lee Valley Outlook’. Foilsítear é gach coicís. Is iris as Béarla atá ann. Le déanaí tá scéalta as Gaeilge á chur isteach san iris ón dá mheánscoile sa Ghaeltacht. Táimid chun dhá leathanach tiomnaithe do scéalta ón gceantar as Gaeilge a chur isteach ann.
- Is anseo a bhfaighfear gach eolas faoi imeachtaí a bheidh ar bun sa cheantar (m.sh. ranganna rince ar an gcéilí), faoi eagrais atá ag obair anseo, faoi stair ársa an cheantair, faoin gcultúr agus faoi phobal na háite.
- Nasc á chruthú agus feasacht á threisiú idir mhuintir Mhúscraí agus daoine taobh amuigh den Ghaeltacht.

#### **Beart 1.8 - Fóram Aistritheoirí ar líne**

- Cuirfear fóram aistritheoirí le chéile chun tacaíocht a thabhairt do na coistí agus eagraíochtaí áitiúla níos mó Gaeilge a úsáid nuair atá bolscaireacht á dhéanamh agus fógraí á gcur le chéile acu.

## **Plean Teanga Mhúscraí**

### **Caibidil 8 – Forbairt Feasachta agus Poiblíocht**

#### **Beart 1.3 - Comhordaitheoir Pleanála Teanga Mhúscraí**

- Beidh an té a cheapfar lonnaithe in áit lárnach i nGaeltacht Mhúscraí ionas go bhfeicfidh daoine oifig an phlean teanga agus go mbeidh siad ar an eolas go bhfuil sé ann agus oscailte do dhaoine chun bualadh isteach agus cúrsaí teanga a phlé.